

Guangjishih Minzcuz Bau

ganbbau: CN45-0036 B.2014 Nd.3 Ng.5 liggaueq gyapngux nienz ndwengeih co'ngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3113期

Nanzningz Si Minzveij Haenqrengz Gensez Aen Duivuj Guh Hong Minzcuz

南宁市民委大力加强民族工作干部队伍建设

Bi' gvaq, Nanzningz Si Minzveij gaemmaenh "song aen doxdoengz" aen cawjdaez hong minzcuz neix, aeu laebguh "daengx guek minzcuz doxgiet cinbu sifan si" guh gihvei, haenqrengz dajcaux aen duivuj guh hong minzcuz suciz sang ndeu.

It dwg banh beizyin "gyalai dungxcaiz", hawj ganbu lai miz bonjsaeh guh hong. Bi' gvaq 4 nyied, Nanzningz Si Minzveij caeuq Siveij Cujcizbu lienzhab cujcz gak yienh(gih) nem siciz gak danhvei 42 boux gohgiz saujsu minzcuz ganbu camgya ganbu beizyinbanh, yaugo haemq ndei; 9 nyied, Si Minzveij youq Nanzningz Yozyen banh daengx si minzveij, minzyijveij hidungj minzcuz gunghcoz yezvu beizyinbanh, doenghboux camgya beizyin baugvat daengx si 12 aen yienh(gih) daengxcungq minzcuz ganbu caeuq si saujsu minzcuz liuzdung yinzyenz

fuzvu cungsimsim doenghboux gunghcoz yinzyenz.

Ngeih dwg roengz gihcwngz "depgyawj vunzlai", bienq cozfung. Vih demgiengz aen fuzvu yisiz "hong minzcuz mbouj dwg hong iq" neix, Nanzningz Si Minzveij cujcz ganbu cizgungh roengz mbanj saujsu minzcuz bae, aeu rox gyoengqde naemj maz aeu maz, caeuq gyoengqde guhdoengz, coengh gyoengqde naemjngeix, dingh ndei baenzlawz fazcanj, coi cozfung youq gihcwngz ndaej gajbienq. Bi' gvaq, Nanzningz Si Minzveij cujcz gihgvanh ganbu bae Majsanh Yen Lijdangh Yauzcuz Yangh, Gujcai Yauzcuz Yangh, Sanglinz Yen Cinhih Yauzcuz Yangh, Nanzningz Cunghvaz Cungh Segih, Funglingj Bwz Segih daengj dieg guh hong liedcam diuyenz gungh 127 vunzbaez, ciuhai minzcuz gunghcoz codanzvei 18 baez, gaihcanj

minzcuz doxndei hozdung 14 baez.

Sam dwg yiemz souj faplwd fazgveih "aeu heiqcingq", demgiengz ganbu soujap yisiz. Bi' gvaq, Nanzningz Si Minzveij okdaiz 《Nanzningz Si Minzveij Guenj Ci Cidu》、《Nanzningz Si Minzveij Gunghv Ciepdaiz Guenjleix Cidu》daengj gveihcangh cidu, guh daengz gveihcangh guenj vunz, vunz lai ndei yungh; doengzseiz, gihgvanh dangcuj, gijgenj doenggvaq dinghseiz mbouj dinghseiz heuh gemjcaz, gag caz, guh daengz "sam aen guenj ndei": Guenj ndei bonjndang, mbouj lau haemzhoj, gaenx guh mbaetyungh, mbouj ndaej sagyungh; guenj ndei ndaw ranz, guenj ndei lwg, daengq ndei caencik baengzyoux mbouj yungh gienzleih bae guh saeh hawj swgheij souh'ik; guenj ndei doenghboux henz ndang.

(Veiz Yenzfuz)

SIUSIK DINJ

简讯

● 3 nyied 1 hauh, Yungzsuij Myauzcuz Swciyen Dungdouz Yangh Mbanj Dungcuz Bingzcwngz guh nauh ndaemcin hozdung. 300 lai boux beixnuengx Myauzcuz daj yienhsingz, Anhcuiz Yangh Sanhcun Cunh daeuj caeuq vunz mbanj neix guhdoengz, boq venz, diuq fouxvenz daengj minzsuz hozdung, aeu neix daeuj heijguh ndaemcin.

(Lungz Linzci Lungz Dauh)

● 2 nyied 27 hauh, Daizvanh Daizbwz Yisuz Dayoz miz 30 lai boux saeseng daengz Bingzgoj Yen Daibingz Cin Yehhih Fwenleux Sifan Gihdi ngonzyawj, caeuq vunzmbanj Bouxcuengh dangdieg doengzcaeaz dingq minzcuz yinhyoz, doxgyau doxson minzsuz vwnzva.

(Vuz Anhginh)

● 2 nyied 28 hauh, Sanhyangh Dungcuz Swciyen Yenveij Cujcizbu youq ndaw yienh Danhcouh Cin Gyanghhoz Cunh guh "ra caen lienz sim · doxlien bangfuz" hawj vunzlai souh'ik hozdung, soengq 2 dun vafeiz, 4000 lai go dinfaex samoeg hawj 20 hoh ranzhoj, vunzlai naeuz ndei.

(Vuz Yungjvaz)

● 2 nyied 25 hauh, Sihlinz Yen Sihbingz Yangh Bingzsang Cunh cingqsik haigoeng guh roen lo, diuz roensuijniz neix raez 7.47 goengleix, gungh roengzngaenz 300 fanh maenz. Neix couh hawj gij siengjmuengh vunz mbanj neix ndaej saedyienh lo.

(Cinz Hungzsingh)

● 2 nyied 28 hauh, youq Yungzsuij Myauzcuz Swciyen Aenvenz Gvangcangz, aen yienh neix Yinzliz Nem Sevei Baujcanj Giz gawjhengz "rumzcin hengzdoengh", fuzvu hawj vunzlai ra hong, daezhawj sevei baujyenj daengj, ndaw gih rog gih 70 lai aen giyez 6000 lai gangjvei hawj vunzlai genj, gak cuz ginzcong faenfaen daeuj cam hong.

(Gungh Siengzyouj)

Sanhyangh: Mbanj Dungcuz Cuengq Saz Ciengq Go Angq Gvaq Ciet Gaeuggeq

三江: 侗寨放木排唱侗歌回味千年民俗



3 nyied 1 hauh, dwg liggaueq ngeih nyied coit, Sanhyangh Dungcuz Swciyen Linzhaij Yangh youq henz Dahyungzgyangh gawjhengz cuengq saz yizsi, aen yizsi neix daj ciuhgeq couh hengz daeuj. Ngoenz de, youq sokruz Linzhaij Yangh, gyoengqvunz Dungcuz, Myauzcuz dawz faexsamoeg raemj ndei de daeuj, aeu duk cug baenz saz, liuxle cuengq roengz dah, hawj saz riengz raemxdah lae bae. Youq seiz guh cuengq saz yizsi, gyoengqvunz Dungcuz, Myauzcuz daenj gak cungj ndangdaenj, byaujyenj danz bizbaz, ciengq fwenyoxh Dungcuz, boq venz, aeu neix daeuj geiqniemh gij minzsuz gaeuggeq neix. Ndaw doz dwg cuengq saz yizsi yienhciegz.

(Danz Gajhinh ingj)

Denhdwnj: Roengz 3500 Lai Fanh Maenz Coengh Saujsu Minzcuz Ndaem Haeux

天等: 3500 多万元助少数民族群众发展粮食生产

"Bi' gvaq, ranz gou 7 moux naz gungh ndaej gak cungj boujdiep gyawj 2000 maenz, seizneix lij coq youq ndaw cunzceaz, youq ranz ndaem naz lij ndaej cienz, guekgya cwngecwz caen ndei." Geij ngoenz gonq, gangj daengz nungzyez boujdiep, Denhdwnj Yen Denhdwnj Cin Hungzlingj Cunh Lij Liengzminj naj hai da riu lo.

Bi' gvaq, Denhdwnj Yen mboujduenh gyarengz roengzcienz bangfuz nungzyez, nyinhcaen hengzguh gak hangh youhvei cwngecwz, cungfaen diuhdoengh nungzminz ndaemhaeux cizgizsing, bauj haeuxgwn swngchancj ndaej onjdingh fazcanj. Bi' gvaq, aen yienh neix gungh fat gij cienzngaenz boujdiep ndaem gak cungj haeux de

3507.06 fanh maenz, ndawde fat cienzngaenz boujdiep doenghyienh guh nungzyez swngchancj 3279.4 fanh maenz, cienzngaenz boujdiep dingh sou haeux 18 fanh maenz, ndaem haeux funghyenj gihginh 113.66 fanh maenz, cienzngaenz cigsoh bouj haeux 96 fanh maenz.

(Vangz Lilanz)